

quidam non quotidiano, non certe solemnis sancto- rum, sed solo utebatur, et delectabatur officio defunctorum. Cumque conditionis humanae debitum solvens tribunali superni Iudicis astitisset; cœpit turba dæmonum vehementer hoc illi crimen impingere, quod ecclesiasticæ institutionis regulam negligens, per assuetæ synaxis officia vota Deo reddere contempsisset. Tunc beata regina mundi semper virgo Maria, et omnes sanctorum chori cum ea valenter occurrunt, seseque ad illius auxilium concorditer interponunt. Hic, inquiunt, noster capellanus ac minister exstitit: quodque defunctorum semper exsequiis libenter interfuit, nobis omnibus procul dubio ministravit. Absit igitur, ut in imbio-

Arum manus iste deveniat, qui plis erga nos, dum adviveret, studiis insudabat. Sic itaque beatæ Virginis precibus, omniumque supplicatione sanctorum, in eorum meruit transire consortium. Ignorabat tamen hujus rei relator episcopus, utrum ille frater ad nos reversus, an aliis in hac vita degentibus ista retulerit.

Hæc tibi, venerabilis frater, familiariter scribo, quia velut suavibus epulis, sic in tua, quæcunque sit, allocutione delector: et mens mea continuo lætatur, et gliscit, cum aliquid, quod tibi congrue scribatur, occurrit.

Sit nomen Domini benedictum.

605-606 OPUSCULUM TRICESIMUM QUINTUM.

DE PICTURIS PRINCIPUM APOSTOLORUM.

ARGUMENTUM. — Causam affert cur Paulus apostolus ad dexteram, Petrus vero ad sinistram in picturis exprimantur, idcirco scilicet, quia Paulus esset ex tribu Benjamin, qui Latine, *filius dexteræ* interpretatur; probatque hujusmodi nomen aptissime illi convenire. Multas quoque ejusdem Pauli prærogativas adducit. Tum demum exponit cur Hierosolymitana Ecclesia, cum in ea Christus passus fuerit, non sit caput omnium Ecclesiarum.

Domno DESIDERIO sanctæ conversionis [conversationis] abbatii, religiosoque conventui, PETRUS peccator monachus in Domino servitum.

Ut dominum Martinum ad vos iter arripere didici, notario protinus, ut exciperet, imperavi. Sed quoniam per totum quadragesimalem circulum tecum, venerabilis pater, familiariter degens, quæque conferenda videbantur, tiva voce contulimus, et quæ communicanda erant, sive tractanda, saepius intimavimus; jam quid novi ad te scribi valeat, non invenio, dum quidquid necessarium esse poterat, frequentius iteratum alterutra confabulatione perpendo. Quid igitur faciam? Nunquid qui loqui coeparam, deficiente materia, stolide conticescam?

CAPUT PRIMUM.

Cur Petrus ad sinistram, et Paulus ad dextram in picturis collocentur.

Sed dum armatam penam, atque ad scribendum ex more librata manum scriptoris aspicio, materia mihi dulcis offertur, de qua ad disputandum mea mens alacriter provocetur. Per istam siquidem notarii dextram repente mihi illud occurrit, quod ipse a me, quæstione proposita, saepenumero requisiisti: Cur videlicet in imaginibus picturarum per universas adjacentes Romæ provincias, Petrus qui primus est, ad sinistram; coapostolatus autem ejus Paulus constituitur ad dextram; cum juxta vulgarem sensum hoc rerum ordo deposeat, ut Petrus, qui senatus apostolici princeps est, dextrum Domini latitum; Paulus vero, qui junior est, sinistrum jure possideat? Sed durum est valde, ut opinemur, quia

B tam egregium, tamque famosum apostolicæ dispositionis ordinem inconsulte, atque inconsiderate devota Deo ac religiosa vetustas admiserit. Neque enim credendum est, ut Constantinus imperator, ìmo papa Silvester; atque post eos principes et sacerdotes in ecclesiastice disciplinæ littera peryigiles atque solertes, hunc ordinem tantorum principum negligendum ducerent, si correctione dignum aliquatenus aestimarent. Ne ergo sanctæ hujus historiæ ordo inordinatus appareat, quod nobis videtur, sanctitati vestrae brèviter innotescat.

Paulum plane de tribu Benjamin exstuisse quis ambigit? Benjamin autem Hebraice, Latine *filius dexteræ* nuncupatur. Quid ergo mirum est, si ad dextram constituitur, qui vocabulum dexteræ ex

C paterno jure sortitur? Enim vero, ut vetus illa beato Paulo liquido congruere videatur historia, non sine causa Scriptura dicit: « Quia egrediente anima Rachel præ dolore, et imminentे jam morte, vocavit nomen filii sui, Benoni, id est *filius doloris mei* (Gen. xxxv). » Pater vero appellavit eum Benjamin, id est, *filius dexteræ*. Per Rachel namque, quæ ovis, vel visum principium dicitur, Ecclesia non immerito designatur. Quæ nimis et ad instar ovis innocenter vivit, et per studium contemplationis ad videndam Redemptoris suis speciem medullitus inardescit. Qui de se requisentibus Judæis ait: « Ego principium, qui et loquor vobis (Joan. viii). » Benjamin igitur nascentem, Rachel mater emoritur; dum appropinquare ad lucem novæ regenerationis Saulo, persecutoribus Ecclesia per eum crudeliter impugnatur. Sicut Lucas in Actibus apostolorum: « Saulus, inquit,

devastabat Ecclesiam, per domos intrans, et trahens viros, et mulieres tradebat **607** in custodiam. (*Act. viii*). » Congrue itaque Rachel Benoni, id est, *filium doloris mei* vocat : quem Jacob Benjamin, id est, *filium dexteræ* nuncupat; quia Paulus, qui matris Ecclesiæ dolor exstitit, qui eam quodammodo, dum nascetur, impugnando peremisit, a Deo Patre *filius dexteræ* est vocatus, cum per eum divina potentia adversus gentes quasi per fortē suām dexteram dimicavit, verborum jacula valenter intorsit, salubrēs cordium plagas intulit, et per eum devictis atque prostratis hostibus, cum gloria triumphavit. Hinc est quod idem Paulus ad Galatas ait : « Cum autem complacuit ei, qui me segregavit ex utero matris meæ, et vocavit per gratiam suam, ut revelaret filium suum in me, et evangelizarem eum in gentibus, continuo non acquieci carni et sanguini (*Gal. ii*). » Non ergo immerito *filius dexteræ* Paulus vocatur, per quem omnis gentium multitudo, quæ ad dexteram Dei ponenda est, ad fidei sacramenta colligitur. Accinctus siquidem verbo Dei, quod est gladius Spiritus (*Ephes. vi*), hodieque usque ad finem saeculi adversus omnium vitorum, iniquorumque spirituum rabiem dimicat, et tanquam fulminea Christi manus, vibratis cœlestis eloquii gladiis, rigidas resistantium Deo cervices obtruncat. Recte igitur Paulus dextri juxta Redemptorem lateris obtinet dignitatem, qui divinæ dexteræ non ambigitur exercere virtutem. An non quodammodo dextera Dei adversus diabolum dimicantem se fatetur esse, cum dicit : « Ego autem sic curro, non quasi in incertum : sic pugno, non quasi aerem verberans? » (*I Cor. ix*.)

CAPUT II.

Pauli prærogativæ enarrantur.

Paulus ad cœlum tertium raptus ascendit (*II Cor. xii*), ubi etiam arcana verba, quæ hominibus loqui non licet, audivit. Quis autem nesciat, quia vita terrena dicit sinistram, cœlestis autem significat dexteram, sicut sponsa dicit in Canticis : « Læva ejus sub capite meo, et dextera illius amplexabitur me? » (*Cant. ii*.) Læva namque esse sub capite dicitur, quia præsens vita apud electum quemlibet sub mente, quæ procul dubio cogitationum caput est, despacta calcatur. Dextera vero Dei sponsa amplexari prohibetur, quia dum fidelis et sancta anima æstuantि sui Creatoris igne succenditur, velut divinis quibusdam amplexibus undique confovetur. Qui ergo earnis adhuc fragilitate circumdatus, ad cœlestem vitam ascensisse cognoscitur, recte *filius dexteræ* nuncupatur. Hunc dexteræ Filium Deus omnipotens tanquam propriam dexteram per totam mundi latitudinem semper extendit, et per eam adoptionis populos ad fidei unitatem colligit. Hanc dexteram summus agricola per Ecclesiæ suæ aream versat, et per eam spirituales segetes ventilat, ut purgata mystici frumenti grana horreis cœlestibus introducat. Hanc dexteram suam Deus huc illueque procul extendit, dum ad colligendas in fidei sacramento gentes Paulus toto terrarum orbe discurrit. Ipse quippe quam va-

A lida charitate flagrat, tam nimia ex locis ad loca se vagatione permutat. **608** Transire ad alia ex aliis appetit, quia ipsius eum, quem implet, stimulus charitatis impellit. Longe namque a Romanis positus scribit : « Memoriam vestri facio semper in orationibus meis, obsecrans, si quo modo tandem aliquando prosperum iter habeam in voluntate Dei veniendi ad vos. Desidero enim videre vos (*Rom. i*). » Retentus Ephesi, Corinthiis scribit : « Ecce tertio hoc paratus sum venire ad vos (*II Cor. xiii*). » Rursum Ephesi commorans, Galatis loquitur, dieens : « Velle me esse apud vos modo, et mutare vocem meam (*Gal. iv*). » Romæ quoque custodia carceris clausus, quia ire per semetipsum ad Philippenses non permittitur, transmittere se discipulum pollicetur, dicens : « Spero in Dominum Jesum, Timotheum cito me mittere ad vos; ut ego bono animo sim, cognitis quæ circa vos sunt (*Philip. ii*). » Constrictus etiam vinculis atque Ephesi retentus, Colossensibus scribit : « Nam et si corpore absens sum, sed spiritu vobiscum sum (*Coloss. ii*). » Ecce cor apostolicum quanto fraternali amoris igne decoquitur, quanto ad desudandum pro salute gentium desiderio coarctatur! Hic corpore tenetur; illuc spiritu ducitur: et paterni amoris affectum presentibus impendit, absentibus porrigit. Caram positis exhibet opera, audiensibus exprimit vota. Efficaciter præsens eis, cum quibus non erat: nec tamen illis absens, cum quibus erat. Cujus amorem melius cognoscimus, si ejus adhuc ad Corinthios verba pensamus. Ait enim : « Veniam ad vos cum Macedoniam pertransiero; nam Macedonia pertransibo, apud vos autem forsitan maneo, vel etiam hiemabo (*I Cor. xvi*). » Quid est, quod tam anxie per tota loca partitur, nisi quod circa omnes una charitate constringitur? Charitas enim, quæ divisæ unire consuevit, unum cor Pauli dividi per multa compellit. Quod tamen tanto ardenter in Deo colligit, quanto latius per sancta desideria spargit. Prædicando igitur Paulus vult simul omnia dicere, amando vult simul omnes videre; quia et in carne permanendo vult omnibus vivere, et de carne transiendo per sacrificium fidei vult omnibus prodesse. Nec mirum si prædictor egregius in fraterna charitate ferventius æstuat, si præcunctis mortalibus in eo copia veræ dilectionis abundat; cum fons vitæ D qui eum vas electionis appellat (*Act. ix*), in eum se decreverit abundantanter influere, eumque dignatus sit sacramentorum suorum fluentis incomparabiliter irrigare. Hinc est quod ait : « An experimentum queritis ejus qui in me loquitur Christus? » (*II Cor. xiii*.)

CAPUT III.

Paulus præ ceteris omnibus privilegio admirabilis est insignitus.

Hoc plane Salvator mundi B. Paulo per singularis gratiæ privilegium contulit, qui nulli mortalium post Incarnationis suæ mysterium prærogavit. Nam postquam beata illa atque divina Redemptoris humanitas ad paternæ majestatis est evecta

consessum, ut non jam hominibus corporaliter interset, sed cœli potius virtutibus præsideret, non per magistrum, sed specialiter per se ipsum sic illum efficaciter **609** docuit, omniumque sibi gestorum suorum mysteria delegavit; ut non modo præcessorum suorum magisterio nullatenus indigeret, sed eos insuper omnis cœlestis sapientiae profunditate præcellere. Unde et ipse primus apostolorum Petrus ejus admiratur sapientiam, dicens: « Charissimus frater noster Paulus, secundum datam sibi sapientiam scripsit vobis; sicut ei in omnibus epistolis, loquens in eis de his, in quibus sunt quædam difficultas intellectu, quæ indœcti et instabiles depravant (*II Petr. iii*). » Quod autem in discendis evangelicæ doctrinæ mysteriis non magistrum quemlibet hominem, sed Deum specialiter habuerit præceptorem, testatur ipse, qui in principio Epistolæ suæ ad Galatas loquitur, dicens: « Paulus apostolus non ab hominibus, neque per hominem; sed per Jesum Christum et Deum Patrem, qui suscitavit eum a mortuis (*Gal. i*). » Fons enim æternæ vitæ velut immensus torrens totum se simul in vas suæ electionis immersit, qui in ceteros apostolos per longa tempora intervalla, sajeatiæ suæ fluens profudit. Et paulo post: « Notum enim vobis facio, fratres, Evangelium quod evangelizatum est a me, quia non est secundum hominem; neque enim ego ab homine accepi illud, neque didici, sed per revelationem Domini nostri Jesu Christi (*Ibid.*). » Quod ergo Petrum Dominus per multa argumenta adhuc mortalis edocuit, hoc totum repente beato Paulo constitutus jam in gloria paternæ majestatis exhibuit. Ac si doctor quispiam dum privatus est, discipulos deceat, postquam vero ad obtainenda regalis imperii sceptra concedit, remolit clientium clasibus, unum inter multos egregium, quem nobilius instruat, elegit.

Ut ergo ad id unde cœpit sermo recurrat, cum B. Petrus ad dexteram ponitur, primatus ejus, quem inter ceteros est sortitus apostolos, honoratur. Cum vero Paulus ejusdem dexteri lateris occupat locum, in Benjamin, cuius est filius, mystice figuræ redolent sacramentum. Quanquam et hoc non a mysterio vacet, quod B. Petrus Dominici lateris sinistram tenet. Per illum siquidem activa vita signatur. Et sicut contemplativa vita per dexteram, sic actualis exprimitur per sinistram. Quod autem per B. Petrum præsens vita, hoc est activa, figuretur, in hoc præcipue demonstratur, quod sicut evangelica frequentissime testatur historia, et Petrus Dominum plus omnibus condiscipulis diligat (*Joan. xx*); et Dominus non Petro, sed Joanni potius prærogativam specialis omnino dilectionis impenda (*Joan. xiii*). Per Joannem quippe contemplativa, per Petrum vero, sicut dictum est, activa vita signatur. Quia sancti omnes in hac vita ad similitudinem Petri, Deus plus amant, et quasi minus amantur; dum duras propter eum laborum molestias perferunt; mortali tamen adhuc carne circumdati, ad amplexus ejus dulcedinem non pertingunt. Illi vero qui jam cum Deo sunt, in hoc

A eum quodammodo minus amant, et magis amantur; dum et pro eo nullos laborum turbines sentiunt, et tamen intimæ familiaritatis ejus oblectationibus perfruuntur. Non ergo mirum, si B. Petrus aliquando partem videatur tenere sinistram, qui **610** et activæ vite continet ex scripturarum auctoritate figuram.

CAPUT IV.

Cur B. Paulus propriam non habeat cathedram.

Unum vero in B. Paulo videtur, egregium, quia eum omnes apostoli distributi terrarum regionibus, proprias obtineant cathedras; iste, dum nullam specialiter teneat, videtur aliquatenus communiter omnibus præsidere. (*Vide scholia ad calcem opusculi.*) Plane quia ipse toto terrarum orbe universalem fundavit Ecclesiam, dignum est, ut sicut in omnibus fidei semen sparsit, sic etiam in omnibus jus teneat præsidentis. Dicit enim ad Corinthios: « Gratia Dei sum id quod sum; et gratia ejus in me vacua non fuit, sed abundantius illis omnibus laboravi; non ego autem, sed gratia Dei mecum (*I Cor. xv*). » Ad Romanos antem: « Habeo, inquit, gloriam in Christo Jesu ad Deum, in obedientia gentium: verbo et factis, in virtute signorum, et prodigiorum, in virtute Spiritus sancti; ita ut ab Hierusalem per circuitum usque ad Illyricum repleverim Evangelio Christi. Sic autem hoc prædicavi Evangelium, non ubi nominatus est Christus, ne super alienum fundamentum aedificarem; sed sicut scriptum est: Quibus non est annuntiatum de eo, videbunt; et qui C non audierunt, intelligent (*Rom. xv; Isa. lxx*). Haec est igitur causa cur Paulus nullam specialiter cathedram teneat, quia si audemus summis minora considerare, ad instar Christi, salvo ceterorum apostolorum jure, videtur omnibus Ecclesiis præsidere.

Porro autem quantum ad vulgarem pertinet sensum, quoniam Hierosolymis passus est Dominus, universis Ecclesiis non Romana, sed Hierosolymitana potius præesse deberet Ecclesia; verumtamen cum ex auctoritate canonum, Romana Ecclesia primum teneat locum, Alexandrina secundum, Antiochena tertium, Constantinopolitana quartum, Hierosolymitana jam quintum: constat Dominum Salvatorem non uni culibet cathedræ speciali jure præesse, sed cunctis unum pastorem universaliter præsidere. D Liqueat ergo Ecclesiarum ordinem esse dispositum juxta privilegium Petri, non secundum incomparabilem excellentiam Redemptoris. Quia quod omnes apostoli juxta mensuram suam obtinent per gratiam collati muneris, hoc totum possidet Christus per naturalis imperium majestatis. Quamdam ergo, si dici liceat, cum Christo similitudinem Paulus tenet, dum non uni duntaxat Ecclesiæ, sed omnibus præsidet. Non igitur sine causa B. Paulus dextrum in picturis obtinet latus, dum id non modo depositat propensior fructuum cumulus, sed et figuralis intelligentiae sacramentum. Gliscit adhuc animus super hoc themate plura conscribere, sed litterarum bajulus, qui ad vos properare festinat, dum potius vel-

Iet volare, quam currere, non me perū itit saltēt minimas ad scribendum moras habere. Clementia vobis, dilectissimi, divina præcipiat, ut pro me orare sancta vestra fraternitas non desistat.

611 SCHOLIA.

Plane quia ipse (Paulus) toto terrarum orbe universalem fundavit Ecclesiam, -dignum est, ut sicut in omnibus fidei semen sparsit, sic etiam in omnibus ius teneat præsidentis. In hac Epistola beatus Petrus Damianus plus nimio-videtur tribuere Paulo: tametsi enim vera sunt, quæ refert de ipsis Apostoli rebus gestis, sunt tamen caute intelligenda; quoniam totius orbis pastor, et princeps Petrus duntaxat est, non Paulus. Quamobrem verum quidem est elogium, quod ipsi Ecclesia tribuit, dum ait: prædictor in universo mundo; « verum est quod idem affirmat: Instantia mea quotidiana, sollicitudo omnium Ecclesiarum (II Cor. xi). » Sed tamen illum tantum honorem, quem prima specie cardinalis Damianus sancto Paulo defert, sancto Petro magis congruere **612**

A certissimum est, de quo Magnus Leo (*epist. ad Anast. Thess.*): « Inter beatissimos apostolos, inquit, in similitudine honoris, fuit quædam discretiō potestatis; et cum omnium par esset electio, uni tamen datum est, ut cæteris præemineret: de qua forma, episcoporum quoque est orta distinctio. » Sanctus Joannes Chrysostomus (*hom. 87 in Joan.*): Quid tandem aliis omissis, de his duntaxat Petrum affatur? os erat apostolorum, et princeps, et vertex ipsius cœtus; propterea et Paulus eum præter alios visurus ascendit. Itaque Damiānum juxta magni Gregorii mentem intelligemus (*GREG. in lib. I Reg., cap. 4*), ut quod attinet ad apostolicum munus Evangelii prædicandi, atque peccata solvendi, æque omnes apostolos, nedum Páulum, in universum munī dum missos esse existimemus, cum quadam tamen subordinatione Petri, qui gregi universalis præfectus est, ut multis docet sanctus Cyprianus de unit. Eccles., et epist. 55 ad Cornelium papam.

Sit nomen Domini benedictum.

613-614 OPUSCULUM TRICESIMUM SEXTUM.

DE DIVINA OMNIPOTENTIA IN REPARATIONE CORRUPTÆ, ET FACTIS INFECTIS REDDENDIS.

ARGUMENTUM. — De Dei omnipotentia, æternitate, infinitate, providentia, cæterisque hujusmodi altissimis obscurissimisque questionibus, luculentè et copiose disserit contra eos qui divinæ potentiae quasi terminum constituere audebant, asserentes Deum facta infecta reddere non posse. Quod falsum esse verissimis rationibus probat. Demum benevolentiam et amorem suum erga Casinense monasterium Desiderio abbati pluribus patefacit, et velut in pictura ante oculos ponit.

Domino DESIDERIO Casinensis monasterii reverentissimo rectori, et universo sancto conventui, PETRUS peccator monachus osculum in Spíritu sancto.

CAPUT PRIMUM.

Quod Deus multa potest quæ non vult.

Qui solus de marini fluctus procellis eripitur, dum sagenam adhuc inter rupes et scopulos, inter minaces atque intumescentes undarum cumulos periclitari considerat, inhumanus est, si laborantes in discrimine socios non deplorat. Ego itaque episcopatu dimisso, me quidem velut arenis expositum gaudeo; sed te ventis atque turbinibus atteri, ac inter hiantes pelagi fluctuare voragini, non sine fraterna compassione suspiro. Errat, pater, errat, qui confidit se simul et monachum esse, et curiae deservire. Quam male mercatur, qui monachorum præsumit claustra deserere, ut mundi valeat militiam bajulare. Undis erutus sanus est piscis, non ut sibi vivat, sed ut alios pascat. Vocamur, attrahimur; sed ut vivamus aliis, moriamur nobis; amat venator cervum, sed ut sibi faciat cibum; persecutur capras, lepusculos insectatur; sed, ut ipse bene sit, illa nihil sint. Amant et homines nos, sed non nobis; sibi metu diligunt, in suas nos vertere delicias concupiscunt. Quos nimur dum in exteriora prosequi-

C mur, quid aliud quam monacho nostro, qui latebat intrinsecus, repudium damus? Mox enim ad summam tendentis vitæ status revertitur, rigor enervatur disciplinæ, atque silentii censura dissolvitur, et ad effluendum quidquid libido suggesserit, ora laxantur. Unde processit, et quod nunc occurrit mentiriæ: utrum Deus possit reparare virginem post ruinam. Nam dum aliquando, ut meminisse potes, eterque discumberemus ad mensam, illudque B. Hieronymi sermocinantibus deveniret in medium; audenter, ait, loquor: cum omnia possit Deus, suscitare virginem non potest post ruinam. Valet quidem liberare a poena, sed non valet coronare corruptam. Ego licet pavidus, utpote, qui disputare de tanti viri testimonio facile non auderem, unanimi

D tamen patri, tibi videlicet, dixi pure quod sensi. Hæc, inquam, fateor, nunquam potuit mihi placere sententia. Non enim a quo dicatur, sed quid dicatur attendo. Nimis scilicet in honestum videtur, ut illi, qui omnia potest, nisi sub altioris intelligentiæ sacramento, tam leviter impossibilitas ascribatur. Tu autem e contrario respondisti: ratum esse, quod dictum est, et satis authenticum, Deum videlicet non posse suscitare virginem post ruinam. Deinde longis atque prolixis argumentationibus multa percurrentes, ad hoc tandem definitionis tuæ clausulam